

Årsmelding for Landskapsparkgruppa i Herand for 2017

Guiding: Landskapsparkgruppa tok imot 4 bussar for guiding i 2017. Dette gjev kjærkommen inntekt til Kulturhistorisk senter, som er avhenging av litt inntjening for å kunne haldast ope om sommaren. I tillegg har guiding for bussane gitt dugnadsløn til ein del folk for omvisning på Båtbyggjarmusèum, Krambua, guiding langs folgefonnhalvøya, kaffi og lappasteiking mm. Sal av middag har det òg vore, frå Kulturhistorisk senter og hos Arne Mælen i Kulturgalleriet.

Kulturhistorisk senter: Bestøksstalet utanom bussane har ikkje vore stort nok til å kunne løna utstillingsvakt ein god månad om sommaren. I tillegg til dei ordinære opningstidene er me fleire som opnar for folk som vil inn og oppleve «Herand gjennom 9000 år». Opningstider og prisar + kontaktinfo vert oppdaterte på www.herandlandskapspark.no ved endringar. I 2017 var det om lag 100 «frie» besøkjande, og 250 som kom med bussar og fekk utstillinga med som ein del av eit guida opplegg i bygda.

Kulturstien: Me har bytta ut skilt i stien så dei har meir eins nemning. Det har vore slått i kulturstien eit par gonger i sesongen for å rydda unna brennensla og å tydeleggjera stien. Det har vore hengt opp att skilt som vert trakka ned av kyr mm. men det er ei ganske håplaus oppgåve. Det er kanskje minst like viktig at det blir slått ein sti tidleg i sesongen og at den vert tydeleg utover sommaren når mange har teke turen. Det vart elles gjort godt dugnadsarbeid av bygdafolket i april!

Oppslagstavla i båthavna og på kulturhistorisk senter: Me vil gjerne samla informasjon om atraksjona og overnatting mm i Herand på tavlene. Me er ikkje nøgde med sånn det vart i 2017, men treng òg å få plakatar frå dei det gjeld. Her gjekk me nok litt på «tomgang» både på grunn av været og manglande plakatar inn.

Film om båtbyggjingstradisjonen i Herand: Dette er nok det største prosjektet me har halde på med i 2017. Merethe Offerdal Tveit vart hyrt inn til å laga film med utgangspunkt i Båtbyggjarmusèet og med bakgrunn i at me ynskte å få dokumentert kunnskapen medan me framleis har folk som har vore med i dette tradisjonsrike handtverket. Heldigvis ville Sverre Haugen vera med på prosjektet, og Trond Vikane hadde masse gode bilete som kunne nyttast. I samarbeid med bygdalaget søkte me om midlar til prosjektet frå «innfallsportar Folgefonn Nasjonalpark» og frå Sparebankstiftinga. Me fekk lovnad på 40 000,- frå kvar av desse. Det dekkjer utgiftene til sjølve filmen. Merethe budde gratis hos Hardanger Rom & Harmonium under filmprosjektet. Filmen varer om lag 15 minutt skal ha plass på den same skjermen som bileta frå stølsmiljø. Me er glade for at me på denne måten får ei utviding av utstillinga, og at dette kan vera med å få fleire folk innom.

Møter gjennom året: Me har ikkje hatt faste møter gjennom året anna enn eit i februar/ mars for å få utsetjing på dokumentasjon til næringsfondet ang. utgifter til eit projekt me søkte om i 2015. Me fekk utsetjing og må ordna dette før april 2018. Me hadde òg for oss samanslåingsspørsmålet og oppgåver for våren og sommaren mm. Elles har me ordna ting etter samsnaking og gamal rutine. Dette er sjølv sagt ikkje godt nok, men sånn har det vore dette året.

Tankar om landskapsparkgruppa si framtid: Sist årsmøte kom me med oppmoding om at alle som er interesserte i landskapspark og arbeidet her kan melda frå til ein av oss i gruppa. Dette skal vera ei open gruppe for interesserte. Me gjentek denne oppmodinga i år, og for at fleire skal vita om det nemner me det i årsmøtet i tillegg til at det vil stå på www.herand.no under landskapsparkgruppa.

Me tenkjer òg at ei gruppe for «kulturstiens venner» kunne vore kjekt. Då kunne ein fått litt meir jamleg vedlikehald og oppdatering av stien, og ein kunne hatt det sosialt i lag og fått i stand litt «happenings». Dersom nokon tenner på den idèen er det berre å ta kontakt med oss for koordinering!